



სდასუ

შპს საქართველოს დავით აღმაშენებლის სახელობის  
უნივერსიტეტი



დამტკიცებულია:

A handwritten signature in blue ink, written over a horizontal line.

19/12/2023 წელი

სტუდენტთა კარიერული განვითარებისა და კურსდამთავრებულთა  
დასაქმების ხელშეწყობის ცენტრის დებულება

თბილისი  
2023

## მუხლი 1 ზოგადი დებულებანი

- 1.1 საქართველოს დავით აღმაშენებლის სახელობის უნივერსიტეტის (შემდგომში - უნივერსიტეტი) სტუდენტთა კარიერული განვითარებისა და კურსდამათავრებულთა დასაქმების ხელსაწყოების ცენტრი (შემდგომში - ცენტრი) არის უნივერსიტეტის სტრუქტურული ერთეული.
- 1.2 ცენტრი ფუნქციონირებს უნივერსიტეტის სხვა სტრუქტურულ ერთეულებთან კავშირში და თავის საქმიანობაში ხელმძღვანელობს საქართველოს კანონმდებლობის, უნივერსიტეტის დებულებისა და წინამდებარე დებულების საფუძველზე.
- 1.3 ცენტრი, თავისი კომპეტენციის ფარგლებში, ანგარიშვალდებულია უნივერსიტეტის რექტორისა და აკადემიური საბჭოს წინაშე, ასრულებს კანონის საფუძველზე რექტორისა და აკადემიური საბჭოს მიერ დაკისრებულ მოვალეობებს.

## მუხლი 2. სტუდენტთა კარიერული განვითარებისა და კურსდამათავრებულთა დასაქმების ხელშეწყობის ცენტრის მიზანი, ამოცანები და ფუნქციები

2.1 სტუდენტთა კარიერული განვითარებისა და კურსდამათავრებულთა დასაქმების ხელსაწყოების ცენტრის მიზანია:

- ა) განახორციელოს კურსდამათავრებულთა ინტელექტუალური რესურსის, როგორც უნიშვნელოვანესი აქტივის გამოყენება;
- ბ) ხელი შეუწყოს სტუდენტთა დასაქმებისთვის აუცილებელი ზოგადი და პრაქტიკული უნარ-ჩვევების გამომუშავებას და განვითარებას;
- გ) ხელი შეუწყოს სტუდენტებსა და კურსდამათავრებულებს შრომის ბაზარზე თვითდამკვიდრებაში;

2.2 სტუდენტთა კარიერული განვითარებისა და კურსდამათავრებულთა დასაქმების ხელშეწყობის ცენტრის ამოცანაა:

- ა) შეუნარჩუნოს და დაუმკვიდროს უნივერსიტეტს საგანმანათლებლო ბაზარზე მაღალხარისხიანი განათლების შემთავაზებელი დაწესებულების სტატუსი, რომელიც ორიენტირებულია სტუდენტთა კარიერულ ზრდასა და განვითარებაზე;
- ბ) მოახდინოს სტუდენტების ინფორმირებულობა შრომის ბაზრის დინამიკის, მისი მიმდინარე მოთხოვნებისა და მოსალოდნელი პროგნოზების თაობაზე;
- გ) შრომის ბაზრის კვლევის საფუძველზე აღმოუჩინოს დახმარება სტუდენტებსა და კურსდამათავრებულებს პროფესიული კუთხით საკუთარი განათლების და კარიერის სწორად დაგეგმვაში;
- დ) დაადგინოს, რამდენად ეფექტურად იყენებენ სტუდენტები და კურსდამათავრებულები უნივერსიტეტის მიერ მიწოდებულ ცოდნას, რამდენად ხარისხიანი და გამოსადეგი აღმოჩნდა მათ მიერ მიღებული განათლება.

2.3 სტუდენტთა კარიერული განვითარებისა და კურსდამათავრებულთა დასაქმების ხელშეწყობის ცენტრის ფუნქციაა:

- ა) შრომის ბაზრის მოთხოვნებთან ადაპტირებისა და პრაქტიკული უნარ-ჩვევების გამომუშავების მიზნით მოახდინოს რეგულარული ტრენინგების შეთავაზება სტუდენტებისთვის;

- ბ) სტუდენტებსა და დამსაქმებლებს შორის მჭიდრო ურთიერთკავშირის უზრუნველყოფის მიზნით კონკრეტული თემატური ღონისძიებების დაგეგმვა და განხორციელება;
- გ) დამსაქმებელთა და კონკრეტული დარგის ექსპერტების ჩართულობის უზრუნველყოფა საგანმანათლებლო პროგრამების შემუშავებისა და განვითარების პროცესში;
- დ) დასაქმების ინტერნეტსაიტებზე გამოცხადებული ვაკანსიების რაოდენობრივი და თვისებრივი ანალიზი მოთხოვნადი სპეციალობებისა და კვალიფიკაციების დადგენის მიზნით;
- ე) შრომის ბაზრის კვლევის მიზნით სტუდენტებისა და დამსაქმებლების პერიოდული ანკეტირება-გამოკითხვა სხვადასხვა სპეციალობების ადამიანურ რესურსებზე მოთხოვნა-მიწოდების დადგენის მიზნით;
- ვ) შრომის ბაზრისა და დასაქმების პრობლემების კვლევების განმახორციელებელ სახელმწიფო, არასამთავრობო და საერთაშორისო ორგანიზაციებთან თანამშრომლობა ინფორმაციის გაცვლის და თემატურად რელევანტურ ღონისძიებებში ერთობლივი მონაწილეობის მიღების უზრუნველსაყოფად;
- ზ) თეორიული სწავლებისა და პრაქტიკული კომპონენტის შერწყმით სტუდენტებისა და კურსდამთავრებულების შრომის ბაზართან დაახლოების ხელშეწყობა;
- თ) გლობალურ საგანმანათლებლო სივრცეში ინტეგრაციის, ცოდნის ეკონომიკის ფორმირების, ცოდნის გაზიარების, ახალი იდეების გენერირების, ხორცშესხმისა და ხელშეწყობის მიზნით უნივერსიტეტების ბაზაზე სტრატაპების, ინკუბატორების და პრე-აქსელატორების შექმნა;
- ი) შეზრუდული შესაძლებლობების და სპეციალური საჭიროებების მქონე სტუდენტების, ასევე სხვა მოწყვლადი ჯგუფების (სოციალურად დაუცველი, დევნილი ოჯახები და სხვ.) დასაქმების ხელშეწყობის მიზნით მათი აღრიცხვა და პრესონალიზებული მიდგომების შემუშავება დამსაქმებელთან;
- კ) უნივერსიტეტის კურსდამთავრებულებს შორის კავშირურთიერთობის უზრუნველყოფა, მათ შესახებ საკონტაქტო ინფორმაციის მოძიება, დამუშავება და სისტემატიზაცია;
- ლ) უნივერსიტეტის კურსდამთავრებულთა მუდმივად ინფორმირება შრომის ბაზარზე არსებული ვაკანსიების შესახებ მათი პროფესიული ცოდნის შესაბამისად დასაქმების მიზნით;
- მ) ურთიერთთანამშრომლობის მემორანდუმების გაფორმება საქართველოში მოქმედ სახელმწიფო დაწესებულებებთან, კერძო კომპანიებთან, საერთაშორისო და არასამთავრობო ორგანიზაციებთან;
- ნ) სტუდენტების სტაჟირებისა და დასაქმების მიზნით სახელმწიფო დაწესებულებებთან, ადგილობრივ თვითმმართველობის ერთეულებთან, კერძო სექტორში ფუნქციონირებად კომპანიებთან და არასამთავრობო ორგანიზაციებთან კავშირის დამყარება;
- ო) დასაქმების ფორუმის პერიოდულად ორგანიზება/მონაწილეობის მიღება და სხვ.;

- კ) უნივერსიტეტის სტუდენტთა პროფესიული განვითარების ხელშეწყობა, ადგილობრივი და საერთაშორისო ორგანიზაციების ჩართულობით;
- ქ) კურსდამთავრებულთა საუნივერსიტეტო ცხოვრებაში ჩართვის იდეის პოპულარიზაცია და უნივერსიტეტის იმიჯის ამაღლების მიზნით სხვადასხვა აქტივობების დაგეგმვა-განხორციელება;
- რ) კურსდამთავრებულთა თანამედროვე მოთხოვნებთან შესაბამისობის უზრუნველყოფის მიზნით მათთვის სპეციალური პროგრამული/პროფესიული გადამზადების კურსების შეთანაზება;
- ს) მოკლევადიანი, ალტერნატიული, მოქნილი და მრავალფეროვანი პროგრამების შემუშავება და დანარგვა;
- ტ) უნივერსიტეტის სტუდენტების წარმატებების მიღწევისთვის საჭირო პირობების შექმნა როგორც უნივერსიტეტში სწავლისას, ისე დამთავრების შემდეგ კარიერული წინსვლის უზრუნველსაყოფად.

### მუხლი 3. ცენტრის სტრუქტურა

3.1 უნივერსიტეტის სტუდენტთა კარიერული განვითარებისა და კურსდამთავრებულთა დასაქმების ხელშეწყობის ცენტრისთვის განსაზღვრული თანამდებობებია: ცენტრის უფროსი და მთავარი სპეციალისტი;

3.2 ცენტრის უფროსს და მთავარ სპეციალისტს თანამდებობაზე ნიშნავს და ათავისუფლებს უნივერსიტეტის რექტორი.

3.3 ცენტრის უფროსი ანგარიშვალდებულია რექტორისა და აკადემიური საბჭოს წინაშე.

3.4 ცენტრის უფროსი:

- ა) ხელმძღვანელობს და წარმართავს ცენტრის საქმიანობას;
- ბ) ახდენს წლის მანძილზე ჩასატარებელი ღონისძიებების კალენდრის შედგენას;
- გ) შეიმუშავებს ცენტრის სამოქმედო და სტრატეგიულ გეგმებს;
- დ) შეიმუშავებს ცენტრის განვითარების პრიორიტეტულ მიმართულებებს და სახავს მათი განხორციელების კონკრეტულ ღონისძიებებს;
- ე) გეგმავს და ორგანიზებას უწევს დასაქმების ფორუმს;
- ვ) რეგულარულად აწყობს დამსაქმებელებთან მიზნობრივ შეხვედრებს;
- ზ) ავრცელებს ინფორმაციას დამსაქმებლის მიერ მოწოდებული ვაკანტური ადგილების შესახებ და შესაბამისად უზრუნველყოფს კურსდამთავრებულთა ინფორმირებულობას;
- თ) რეგულარულად აანალიზებს შრომის ბაზრის დინამიკას და მონიტორინგს უწევს არსებულ ვაკანსიებს;
- ი) სტარტაპების, ინკუბატორების და პრე-აქსელატორების შექმნის მიზნით აწარმოებს დონორებისა და პარტნიორი ორგანიზაციების მოზიდვას;

3.5 მთავარი სპეციალისტი:

- ა) ეხმარება ცენტრის უფროსს სამსახურის ამოცანების შესრულებასა და მისი ფუნქციებით გათვალისწინებული საქმიანობის განხორციელებაში;

- ბ) უზრუნველყოფს ინფორმაციის მოპოვებას სტუდენტთა აკადემიური მოსწრების შესახებ;
- გ) უზრუნველყოფს ინფორმაციის მოპოვებას უნივერსიტეტის კურსდამთავრებულთა დასაქმების შესახებ;
- დ) ხელს უწყობს სტუდენტებისა და კურსდამთავრებულების ტრენინგების ჩატარებას;
- ე) კონსულტაციებს უწევს სტუდენტებს პროფესიული ორიენტაციისა და დასაქმების საკითხებზე;
- ვ) ქმნის დამსაქმებელთა ერთიან მონაცემთა ბაზას დეტალური საკონტაქტო ინფორმაციით;
- ზ) სტუდენტის თანხმობით და პერსონალურ მონაცემთა დაცვით უზრუნველყოფს სტუდენტის მონაცემების გადაგზავნას კონკრეტულ ვაკანსიებზე, ასევე მათთვის სტაჟირებისა თუ დასაქმების სხვა შესაძლებლობების მოძიებას;
- თ) ახორციელებს სტუდენტთა და კურსდამთავრებულთა ანკეტური გამოკითხვებისა და ინტერვიუების ორგანიზებას და მათ ანალიზს;
- ი) ახორციელებს კურსდამთავრებულთა დასაქმებისა და კმაყოფილების დონის კვლევას.

#### **მუხლი 4 ცენტრის რეორგანიზაცია და ლიკვიდაცია**

ცენტრის რეორგანიზაცია და ლიკვიდაცია ხორციელდება უნივერსიტეტის აკადემიური საბჭოს გადაწყვეტილების საფუძველზე რექტორის ინდივიდუალური ადმინისტრაციული-სამართლებრივი აქტით.

#### **მუხლი 5. ცვლილებებისა და დამატებების შეტანის წესი**

დებულებაში ცვლილებებისა და დამატებების შეტანა ხორციელდება ცენტრის უფროსის მიერ მომზადებული ცვლილება-დამატებების პროექტით, რომელსაც ამტკიცებს აკადემიური საბჭო.